

11673

共4册

图
正
库

清異錄總目

天文門 十七事

地理門 十四事

君道門 十二事

官志門 十六事

人事門 十五事

女行門 凡五事

君子門 凡十事

私磨門 凡四事

釋族門 二十一事



仙宗門 凡六事

草木門 十五事

竹木門 十九事

百花門 二十六事

百菓門 三十八事

蔬菜門 二十五事

藥品門 二十事

禽名門 三十二事

獸名門 二十事

百蟲門 凡六事

魚門 凡三十三事

肢體門 凡八事

作用門 凡八事

居室門 二十四事

衣服門 二十五事

裝飾門 凡七事

陳設門 十四事

器具門 五十四事

文用門 二十六事

武器門 十一事

酒漿門 十六事

茗莛門 三十五事

饌門 三十九事

薰燎門 二十四事

喪葬門 凡九事

鬼門 一事

神門 二事

妖門 一事

清異錄總目終

清異錄

天文

龍潤

宋 陶穀 撰 號金鑑否人

李煜在國時自作祈雨文曰尚垂龍潤之祥
跋扈將軍

隋煬帝泛舟忽陰風頗緊歎曰此風可謂跋
扈將軍

奇水

雨無雲而降非龍而作號為奇水

天公絮

雲者山川之氣今秦隴村民稱為天公絮
赤真人

周季年東漢國大雪盛唱曰生怕赤真人
都來一夜春後大宋受命

吼天氏

呂園貧秋深大風隣人朱錄事富而輕園後
壘小帟擲園前云呂園洛師人也身寒而德
備一日吼天氏作孽獨示威於園

聖琉璃

王衍伶官家樂侍燕小池水澄天見家樂應
制云一段聖琉璃

艷陽根

偽閩中書史韋添天字謎云露頭更一日真
是艷陽根

碧翁翁

晉出帝不善詩時為俳諧語詠天詩曰高平
上監碧翁翁

地盖

王彪天賦云溥為地盖浩作星衢

潤骨丹

開元時高太素隱商山起六逍遙館晴夏晚
雲中秋午月冬日方出春雪未融暑簟清風
夜階急雨各製一銘晚雲云作萬變圖先生
一笑冬日云金鑼騰空映簷白醉春雪云消
除疫癘名潤骨丹清風云醒骨真人六月惠
然

冷飛白

老伶官黃世明常言逮事莊宗大雪內宴鏡
新磨進詞號冷飛白

天公玉戲

比丘清傳與一客同入湖南客曰凡雪仙人
亦重之號天公玉戲

花鞦扇

俗以開花風為花鞦扇潤花雨為花沐浴至
花老風雨斷送盃花刑耳

驚世先生

驚世先生雷之聲也千里鏡電之形也

千里燭

道士王致一曰我平生不曾使一文油錢在

清異錄卷之一
家則為扇子燈出路則為千里燭意其日月也

迷空步障

世宗時水部郎韓彥卿使高麗卿有一書曰博學記偷抄之得三百餘事今抄天部七事迷空步障霧威屑霜教水露冰子雹氣毋虹屑金星秋明大老天河

地理

黃金母

汾晉村野間語曰欲作千箱主問取黃金母

意謂多稼厚玄田耕耘所致

空青府

契丹東丹王突買巧石數峰目為空青府

圓光石

趙光逢奴往淮壩偶得一石四邊玲瓏類火光逢愛之名曰圓光石

隱士泥

秣陵孟娘山土正白色曰白塏土周護始調塗其四堵因呼隱士泥

寵仙

桑維翰壽辰韋潛德獻太湖石一塊上有鐫
字金飾曰寵仙

琉璃變

劉東叔賦臍月雨云且雨且凍山徑滑是誰
作此琉璃變

四時節

桂林一日之間具四時之氣遷謫者惡之號
為四時節

節木汴州

廣陵東南一都會凡百頗類京師號節木汴

州

地上天宮

輕清秀麗東南為甲富兼華夷餘杭又為甲
百事繁庶地上天宮也

青銅海

汴老圃紀生一鉏芘三十口病薦呼子孫戒
曰此二十畝地便是青銅海也

七絃水

武夷山有石如立壁巔隱一泉分七派山僧
顛堅名為七絃水

小蓬萊

違命侯苑中鑿地廣一頃池心疊石象三神山號小蓬萊

麥家地理

臘雪熟麥春雪殺麥田翁以此占豐儉為麥家地理

十辛

積麥以十辛良下子不得過三辛收澆不得過三辛上場入倉亦用辛日
君道

蕭閒大夫

劉鋹僭立奢麗自恣在宮中自稱蕭閒大夫候窻鹽

南漢劉晟殿側置官人望明窻以候曉宮人謂之候窻監

仁爐義翰道薪德火

周杜良作唐太宗画像贊云仁爐義翰道薪德火

摘瓜手

人君號能用才者莫如唐太宗然瀛洲十八

人許敬宗乃得與如摘瓜手耳取之既多其中不容無濫

掃國真人

隋裴寂待選京都一日郊飲遇老人畫地上沙土曰掃國真人又曰玉環天子又曰兵丹上聖告寂云三百年中寂雄者此三人耳寂醉臥及醒已失老人矣後人紬繹其名掃國者太宗之剗平僭暴也玉環太真妃子字玄宗以妃而名亂玉環天子是玄宗明矣憲宗始以兵定方鎮之強終以丹躁滅身兵丹之

目其憲宗之謂乎

避賢招難存三奉五皇帝

昭宗丁不可為之時遭無所立之地人戲上

尊號曰

云

蓋帝嘗曰朕東西所至禍難隨

之願避賢者路三謂三主帝后及楊柳昭儀

五謂全忠行瑜克用茂貞韓建

彩局兒

開元中後宮繁衆侍御寢者難於取捨為彩局兒以定之集宮嬪用骰子擲寂勝一人乃得專夜官璫私號骰子為剉角媒人

大昏元年

王曦紹僭號梁閩越滄刑不道黃峻曰合非
永隆恐是大昏元年

孟蜀弔伐

孟蜀隳危大軍弔伐偽昶遣皇太子玄誥平
章事王昭遠統兵捍禦玄誥乳臭子昭遠僕
廁材太祖歎曰孟昶都無股肱爪牙其亡不
晚矣

紫明供奉

武帝宣內供奉賜坐食甘露毬蜜搗山藥油

浴既退侵夜宮嬪離次上獨映琉璃燈籠觀
書久之歸寢殿王才人問官家今日以何消
遣上曰綠羅供奉已去皂羅供奉宮人持髻不來
與紫明供奉燈相守熟讀尚書無逸篇數遍
朕非不能取熱鬧快活正要與弦管尊疊轄
時隔破

容易郎君

晉少主志於富貴纔進姓名即問幾錢拜官
賜職出於談笑幸臣私號容易郎君

大體双

劉錕昏縱角出得波斯女年破瓜黑脂而慧
艷善淫曲盡其妙錕嬖之賜號媚猪延方士
求建陽法久乃得多多益辦好觀人交選惡
少年配以雛官人皆妖俊美健者就後園褫
衣使露而偶錕扶媚猪延行覽玩號曰大體
双又擇新採異與媚猪對鳥獸見之熟亦作
合

官志

風力相國

越公楊素專恣既久包藏可畏四方寒心不

敢直指故以風力相國槩之力一作刀

潤家錢

南溪地狹力弱事例卑猥州縣時會僚屨不
設席而分饋阿堵號潤家錢

分身將

梁將葛從周忠義驍勇每臨陣東西南北忽
焉如神晉人稱為分身將

肉雷

來紹乃唐酷吏俊臣之裔天稟鷲忍以決罰
為樂嘗宰郟陽生靈困於孽手創造鐵繩千

條或有分不承則急縛之仍以其半槌手往
往委頓每肆枯木之威則百囚俱斷轟響震
動一邑時呼肉雷

百和參軍

袁象先判衢州時幕客謝平子癖於焚香至
忘形廢事同僚蘇收戲刺一札伺其亡也而
投之云鼎炷郎守馥州百和參軍謝子平

擷金煉玉束雪量珠

王播拜諸道鹽鐵轉運使秘書丞許少連賀
啓云云

玉葺金鹵

偽唐徐履掌建陽茶局弟復治海陵鹽政鹽
檢烹煉之亭榜曰金鹵履聞之潔敝培舍命
曰玉葺

赤心榜

張聿宰華亭治政凜然凡有府使賦外之需
直榜邑門民感其誠指為赤心榜

小宰羊

時戢為青陽丞潔已勤民肉味不給日市豆
腐數箇邑人呼豆腐為小宰羊

抱冰公事

蒙州立山縣丞晁覺民自中原避兵南來因仕霸朝食料衣服皆市于隣邑一吏專主之既回物多毫末皆寘諸獄當其役者曰又管抱冰公事也

牛皮細鉄鼓

蘇州録事參軍薛朋龜廉勤明察胥吏呼為牛皮細鉄鼓言難縵也

軟繡天街

本朝以親王尹開封謂之判南衙羽儀散從

粲如圖画京師人歎曰好一條軟繡天街近日士大夫騎吏華繁者亦號半里媯

人間第一黃

偽唐賊臣褚仁規竊祿秦州刺史惡政不可縷舉有智民請吻儒為二詩皆隱語凡寫數千幅詣金陵粘貼事乃上聞詩曰多求囊白昧蒼蒼兼取人間第一黃

云

云

白黃隱金銀

字

脯掾

何敬洙帥武昌時司倉彭湘傑習知膳味就

中脯腊尤殊敬洙檄掌公厨郡中號為脯掾
裹頭水

宋城主簿祝天貺勵已如冰玉百姓呼為裹
頭冰天貺去後和甄來尉頗得天貺餘味加
以儒而文民間語曰去了裹頭冰却得一箇
著脚琉璃

名字副車

鄧州別駕令狐上選政貪性踈百姓呼名字
副車

人事

開侯

侯元亮馬氏時湖湘宰退居長沙門常有客
宴會無虛日人目為開侯

九龍燭

杜黃裳當憲宗初載深謀密議眷禮敦優生
日例外別賜九龍燭十挺

呷大夫

家述常聿脩仕偽蜀為太子左贊善大夫西
人皆滑稽聿脩伺述酒瓮將竭叩門求飲未
通大道已見壘耻濡筆書壁曰酒客乾喉去

唯存呷大夫

九福

天下有九福京師錢福眼福病福屏帷福吳越口福洛陽花福蜀川藥福秦隴鞍馬福燕趙衣裳福

蠶窠巷陌

四方指南海為烟月作坊以言風俗尚滌今京師鬻色戶將及萬計至于男子舉體自賃進退恬然遂成蠶窠巷陌又不止烟月作坊也

手民

木匠搃號運金之藝又曰手民手賃

鼎社

廣順三年以柴守禮子榮為皇子拜守禮太子少保致仕皇子即位是為世宗守禮居西洛與王溥王彥超韓令坤之父結友嬉游裘馬衣冠僭逼逾制當時人為一日具設樂集妓輪環無已謂之鼎社洛下多妙妓守禮曰點十名以片帟書姓字押字大如掌使人持呼之被遣者詣府尹出帟呈示尹從旁僉字

妓見紙畫時爭到買喚子號曰鼎社
到頭菴主徹底門生

魏仁浦長百僚提獎單隱巖至列郎又附他
相仁浦不悅一日浮屠仁普來乞山資留飯
而隱巖至以束素贈別顧仁普曰到頭菴主
徹底門生今昔所難即而勉之隱巖面不類
人唯唯而退

女及弟

齊魯燕趙之種蠶收繭訖主煇蠶者簪通花銀
碗謝祠廟村野指爲女及弟

錢井經商

儻屋出錢號曰癡錢故儻賃取直者京師人
指爲錢井經商

不動尊

宣武劉錢民也鑄鉄爲筭子薄游妓求釵奩
劉子辭之姥曰郎君家庫裡許多青銅教做
不動尊可惜爛了風流拋散能使幾何劉子
云我爺喚筭子作長生鉄况錢乎彼日日燒
香禱祝天地三光要錢生兒縮生孫金銀千
百億化身豈止不動尊而已爲人父者聞此

可以少戒

甌宰

廣席多賓必差一人慣習精俊者充甌宰使舉職律衆

金搭膝

溫韜少無賴拳人幾死市魁將送官謝過魁前拜逾數百魁釋之韜每念之以爲耻既覺達拍金薄爲搭膝帶之曰聊爾此膝

鄭世尊

或曰不肖子傾產破業所病不瘳其終柰何

司馬安仁曰爲鄭世尊而已又問何謂曰鄭子以李娃故行乞安邑幾爲餒鬼佛世尊欲與一切衆生結勝因緣遂於舍衛次第而乞合二義以名之非不肖子尚誰當乎

三債三悅

桑維翰草萊時語友人吾有富貴在造物未還三債是以知之上債錢債中債妓女下債書籍旣而鉄硯功成一日酒後謂親密曰吾始望不及此當以數語勸子一杯其人滿酌而引公云吾有三悅而持之一曰錢二曰妓

三曰不敢遺天下書公徐云吾銜露太甚自
罰一觥

女行

烟脂虎

朱氏女沉慤狡妬嫁爲陸慎言妻慎言宰尉
氏政不在已吏民語曰烟脂虎

冠子蟲

俗罵婦人爲冠子蟲謂性若蟲蛇有傷無補
補闕燈檠

莫時儒李大壯畏服小君萬一不遵號令則

叱令正坐爲縮匾髻中安燈盃燃燈火大壯
屏氣定躄如枯木土偶人譚目之曰補闕燈
檠

黑心符

一妻不能御一家從可知以之卿諸侯一國
從可知以之相天子天下從可知蓋夫夫婦
婦而天下正正家而天下定矣惟女子小人
爲難養近之則不遜遠之則怨論語之教也
牝雞之晨惟家之索書之訓也無由遂在中
饋易之戒也能循法度則可以承先祖共祭

紀詩之勸也威公縱文姜喪軀而幾亡魯高
祖畏呂氏召亂而幾亡漢文帝牽掣於獨孤
廢嫡長立致大業之傾高宗溺惑於武媚故
失威權階大周之僭萬乘尚爾况庶人乎又
况講再醮備繼室既無結髮之情常有扶筐
之志安得福祥免禍幸矣閔家以蘆絮示薄
許氏以鉄杵表酷其事歷歷可見爲夫者耽
少姿入巧言房簣之間夜以繼日纏愛紐情
牢不可拔妻計日行夫勢日削如鉗礙口噤
不得聲如絡冒頭癡不得動如桎械被身束

縛囚繫不得自由而至寒熱饑飽在彼不在
我出入起居在彼不在我使爲不信惟命使
爲不義惟命使爲不忠惟命使爲不慈惟命
使躬行夷狄犬彘之所不爲惟命呼令殺人
則恨頭落之遲呼令自殺則恐刀來之晚極
口罵辱焉迎以笑嬉盡力決捷焉連稱罪過
數以犯再拜謝之役以事健步辦之曰舐吾
痔諾而趨曰嘗吾便跪而進上不知有親知
有吾妻而已下不省有幼省有吾妻而已人
方以謂古不聞今不見彼尚且流汗積踵吐

血逾胸悚懼悼惶戰栗振掉惟恐妻語之屬
而色之莊也其效伊何有家則妻擅其家有
國則妻據其國有天下則妻指麾其天下令
一縣則小君映簾守一州則夫人並坐論道
經邦奮庸熙載則于飛對內殿連理入都堂
粉黛判賞罰裙襦執生殺矣世雖晚猶有是
非俗雖澆猶分善惡有臣如此君必亂之有
朋如此朋必絕之有閭里如此隣必去之有
民如此官必刑之有子如此父母必號泣而
擯之有同氣如此兄弟必紛紜而捨之有父

如此有祖如此有伯叔如此子孫姪如此必
色變心移東西南北而避之婦人遂啓口爲
雲霧發喉爲雷霆展身爲電轉身爲風誣春
爲秋改白爲黑指吳作越號女作男無力齟
齬喜不自勝喜在其間愚以度日坐以待盡
或十年或六七年或二三年齒髮且衰壽命
且盡貨均彼卷而懷之則聯秦合晉之事萌
而請媒通聘之迹見矣昏丈夫君已不用友
已不齒鄉已不錄兄弟不親子孫不集人非
高於泰山鬼責深於滄海其家墟矣老方悲

其墓臭矣死尤辱妻而繼焉有格言也孰夫
言之乃並枕於菟連盤野葛就子孫言之乃
通心鑽徹骨錐就朋友親俗言之乃一輪車
四墻屋甚者至于也盲子禍縣刀鋸冤著
市曹祭祀絕而門遮蕪然世人恬爲之悟且
畏者曾無也吾年六十目見耳聞不可筭數
今訓汝等有妻固所不免當待之如賓客防
之如盜賊以德易色脩己率下妻既正子孫
敢不正乎萬一不幸中道鼓盆巾擲付之侍
婢米鹽畀之諸子日授方略坐享宴安又或

無嗣孤單則宜歸老弟姪以心與之孰敢不
盡若更重婚續娶定見敗身殞家至時親友
不欲言子孫不敢諫兼已惑已悞難信難處
豈知吾熟諳而預言之龜鑑在前無復縷縷
立石中寢未成來裔稍越吾言祖先明神共
賜誅殛百世循之真萬金之良藥也 右萊
州長史于義方黑心符一卷錄以傳後黑心
者繼婦之德名也陶氏子孫其戒之哉
水香勸盞

扈戴畏內特甚未仕時欲出則謁假于細君

細君滴水於地指曰不乾須前歸若去遠則
燃香印插至某所以爲還家之驗因筵聚方
三行酒戴色欲逃遁朋友默曉譁曰扈君恐
砌水隱形香印過界耳是當罰也吾徒人撰
新句一聯勸請酒一盞衆以爲善乃俱起一
人捧甌吟曰解稟香三令能遵水五申逼戴
飲盡別云細彈防事水短蕪戒時香刈云戰
競思水約匍匐赴香期別云出佩香三尺歸
防水九章別云命繫逡巡水時牽決定香載
連沃六七巨觥吐嘔淋漓旣上馬群譟曰若

夫人恠遲但道被水香勸盞留住

君子

髯佛

滑州賈寧性仁恕賑饑救患者稚愛慕之以
寧多髯遂皆以髯佛呼之

老鴉陳

巴陵陳氏累世孝謹鄉里以老鴉陳目之謂
烏鴉能反哺也

返生錢

宣城儒士林脩已深方脉治病不求報謝人

致餽再三哀懇則留百餘一時人名爲返生錢

秦火否爐

蒲中趙節博瞻剛直鄉人敬之嘗作爐火詩云近冬附火爲秦火透春擁爐成否爐用否隨時有輕重進身君子合知無

天梳日帽

唐隱君子田游巘一日冬晴就湯泉沐髮風于朝暉之下適所親者至曰高年豈不自愛而草艸若是耶游岩咲而答曰天梳日帽他

復何需

安富大夫

岐下梁撫以市隱爲樂有府從事來見將爲言於岐帥而官之撫怒府從事徐曰先生之量未易量也人之貧者富之人之病者安之人之賤者貴之人視先生賤且病之窮叟耳而皆反其所樂而今而後敢以安富大夫目先生

棣友

范陽竇禹鈞生五子子儀等友愛天至儀曰

吾與汝等離兄弟之拘牽真棣友也

百悔經

閩士劉乙嘗乘醉與人爭妓女既醒慚悔集
書籍凡飲因酒致失貲禍者編以自警題曰
百悔經自後不飲至于終身

樂天羨七百二十碗

周維簡隱洪州西山嘗云得米三四石樂天
羨七百二十碗足了一年支費

虛飮玲瓏石鎮羊

游士藻為晉王記室予過其居知昨夜命客

問食品曰第一虛裝玲瓏石鎮羊予曰好改
作飮字便是一句詩士游令取夜來食目對
面塗注云吾平生以順人情為佛事獨違學
士可乎

私麼

虫使

莊宗時伶官朱國賓天姿乖狠衆皆畏恨以
其閩人號為虫使

腹兵

荆楚賈者與閩商爭宿邸荆賈曰爾一等人

橫面蛙言通身劍戟天生玉網腹內包蟲闔
商應之曰汝輩腹兵亦自不淺蓋謂荆字後
刁也

鑿空大使駕險三郎

桂州衙內都知兵馬使蔣副善迎合上官剝
兵刻民誑妄詐欺運以智數剛序行第三時
號鑿空大使駕險三郎

瓮精

螺川人何畫薄有文藝而屈意於五侯鯖丸
善酒人以瓮精誚之

釋族

的乳三神僊

太祖陳橋時太后方飯僧于寺懼不測寺主
僧誓以身蔽上受禪賜的乳三神仙

飯大師

禪家未粥飯先鳴槌維那掌之叢林目淨槌
為引飯大師維那為樂槌都督

鉢盂精

行脚僧驚舉子驢舉子不忿僧曰麻衣鬼著
汝何時會林舉子揚鞭曰鉢盂精且理會取

養命圓

掃地和尙

王建僭立後有一僧常持大帚不論官府人家寺觀遇即汎掃人以掃地和尙目之建末年於諸處寫六字云水行仙怕秦川後王衍秦川之禍方悟水行仙即衍字耳

雙撚布

長安素上人四時止雙撚布為三衣執一鬼脚杖而已

寄生囊

梓潼雙燈寺僧書一頌曰撞來好箇寄生囊云云跌坐而化

寒灰道者

俞郢隱天童山大寒則於厨内取麩火一器亦納直於主者呼寒灰道者全利頭僧舉能素苦白禿瘡痂糊頂禪人皆呼為寒灰道者

泥融覺

比丘無染游廬山春雨路滑忽仆石上由是洞見本原士大夫稱為泥融寬

研金虛縷沉水香紐列環

晉天福三季賜僧法城跋遮那袈裟王言云

勅灑城卿佛國棟梁僧壇領袖今遣內官賜

卿研金虛縷沉水香紐列環一枚至可領取

無無老

沙門愛英住池陽村示人之語曰萬論千經

不如無念無營時郡娼滿瑩娘多姿而富情

真妓女中麟鳳進士張振祖以無念無營有

情有色製一聯云門前艸滿無無老床底錢

多有有娘

猪羊三昧

冤胸僧行脩食必大炙人戲之云脩院主猪

羊雞鴨三昧正受

紫織方

獲嘉禿士貫微借奢如貴要子弟旋織小壘

勝羅染椹眼號紫織方

麪忠

蒸雪會 道忠行化餘杭一錢不遺專供靈

隱海衆月設一齋延僧廣備蒸作人人喜曰

來日赴忠道者蒸雪會中之化人惟曰買麪

故稱麪忠

舟航化

玄奘論道釋云道有為宗舟航化佛無為宗
虛空化

湯餅藏油齏飽喫佛

無念苦行比丘也食量延數人楚大韶延僧
既旅集大韶長子以長紙書湯餅藏油齏飽
喫佛榜念坐處念不動聲色如法飲食而退

梵嫂

相國寺星辰院比丘澄暉以艷倡為妻每醉

點胸曰二四阿羅烟粉糝迦又沒頭髮沙
有房室如來快活風流光前絕後忽一少年
踵門謁暉願置酒叅會梵嫂暉難之凌晨但
見院牌用紙湯書曰勅賜雙飛之寺

偎紅倚翠太師

李煜在國微行娼家遇一僧張席煜遂為不
速之客僧酒令謳吟吹彈莫不高了見煜明
俊醞藉氣合相愛重煜乘醉大書右壁曰淺
斟低唱偎紅倚翠太師鴛鴦寺主傳持風流
殺法久之僧擁妓入屏帷煜徐步而出僧妓

竟不知煜爲誰也煜嘗密諭徐鉉鉉言於所親焉

僧旂佛傘

龍興寺檀越捨幡蓋文云僧旂交舞丁當起於風鈴佛傘高檠焜耀生乎日鑑其造語脫落尋常軌轍而不書誰人製撰

三隻鞮

去習者雲行至娥眉山而隱蓄三隻鞮常川二補一歲夕裂帛交雜望之茸茸焉自呼爲獅子鞮

五百斤鐵蒸胡

汴州封禪寺有鐵香爐大容三石都人目之曰香井爐邊鎖一木櫃竅其頂游者香畢以白水真人投櫃竅寺門收此以爲一歲麥本他院釋戲封禪房袍曰費刹不愁齋粥世尊面前者五百斤鉄蒸胡好一件堅牢常住肉香爐肉燈臺

齊趙人好以身爲供卷且謂兩臂爲肉燈臺頂心爲肉香爐

仙宗

養食仙

近世事仙道者不務窻欲多搜黃白術貪婪無厭空謂之養食仙

花餅道人

五朝泉州有貧士行乞得錢盡買花麻餅食之群小兒呼為花餅道人

長生籙

華陰士人子別莊在老鵝谷因收刈與密友飲夜醉乘月出莊信步似十餘里至一宮殿皆仙妝婦人玉宇寶臺上安玉匣大標金字曰長生籙二人覩一金翠雙鬟女發書讀之曰九琳上魔伯校玉書先春法師長養三天花木並增算五千年二人失聲忽然不見身在亂石喬木間耳

太飛丸

吳毅臨邛人以多疾齋禱于青城山紫極院置壇設醮科儀畢假寐齋廳夢天人稱自剪刀館來授一竹簡題曰太飛丸鍊心法用鹽解仙人一物注曰世間白蟬蠶是其製合之節甚詳仍戒以絕嗜慾方可服

氤氲大使

朱起家居陽翟年踰弱冠姿韻爽逸伯氏虞部有女妓寵寵艷秀明慧起甚留意寵尤繫心緣館院各別種■礙隔起一志不移精神恍惚有密友詣都輦起送至郊外獨之次逢青巾短袍擔節杖藥籃者熟視起曰郎君幸值貧道否則危矣起曰駭異下馬揖之青巾曰君有急直言吾能濟起再拜以寵事訴青巾咲曰世人陰陽之契有繾綣司總統其長官號氤氲大使諸夙緣冥數當合者須駕鸞

牒下乃成雖伉儷之正婢妾之微買咲之略偷期之秘仙凡交會華戎配接率由一道焉我郎為子囑之臨去籃中取一扇授起曰是坤靈扇子凡訪寵以扇自蔽人皆不見自此七日外可合合十五年而絕起如戒往來無阻後十五年寵疫病而殂青巾蓋仙也

殮和閣

太上明堂玄宗上經清齋休糧存日月在口中趙威伯受法於范丘林行挹日月之道內景注載上清紫虛吞日月氣法蜀天師杜光

遮所廬作煢和閣奉行如上事

草

香祖

蘭雖吐一花室中亦馥郁人彌旬不散故
江南人以蘭為香祖

昌九

宜春太守虞杲郡齋植昌蒲五檻次子夢麟
翁自號昌九言願賜保養

瓔珞藤

終南山出瓔珞藤軟碧可愛葉甚小有子纍

纍然纏固其上真似瓔珞

科名艸

杜荀鶴舍前椿樹生芝草明年及第以漆彩
飾之安几硯間號科名艸

蕉迷

南漢貴璫趙純節性惟喜芭蕉凡軒窻館宇
咸種之時稱純節為蕉迷

草帝

青城山叟謝調芭蕉歌略云艸中一種無倫
比瑣屑蒿萊望帝尊

扇子仙

南海城中蘓氏園幽勝第一廣主嘗與幸姬李蟾妃微至此憇酌綠蕉林廣主命筆大書蕉葉曰扇子仙蘓氏於廣主草宴之所起扇子亭

綠天

懷素居零陵菴東郊治芭蕉亘帶幾數萬取葉代紙而書號其所曰綠天菴曰種紙厥後道州刺史追作綠天銘

馨列侯

唐保大二年國主幸飲香亭賞新蘭詔苑令取滬溪美土為馨列侯擁培之具

蕭寒郡假節侯

蘆之為物大類此君但霜雪侵陵改素為愧耳故好事君子號蘆為蕭寒郡假節侯

護階君子

常保衡呼麥門冬鹿葱為護階君子金登玉簪為綠莊嚴

一元木公

瓦松穢屋為不材之草有門生離合為四字

曰一元木公實不稱名瓦松蓋白日登天可
以下視百艸矣

綠衣元寶

苔一名地錢一名綠衣元寶王彥章葺園亭
壘壇種花急欲苔蘚少助野意而經年不生
頤弟子曰叵耐這綠搨兒

土三材

葛爲世用花入藥根祭果蔬筯備紉織土生
而具三材亦草中之白眉

綠榮差

芭蕉詩竅難竹胡邵陽嶠一篇云野人無帳
幄愛此綠參差云云

木竹附

綠卿

王彪臨池賦云碧氏方澄宅龜魚而蕩漾綠
卿高拂宿烟霧以榮差

節氏

三堂人家石柱礎有文曰虛中子生成記初
云虛中子姓節氏化龍之後也隔十數字云
與笙簫令壽鬣支離叟堅文同志莫逆又其

後云生子茁封其銳侯餘皆湯滅不存疑是昔人種竹記竊記鬣是松支是栢茁是筍

圓通居士

比丘海光住廬山石虎菴夜夢人長清瘦而斑衣言捨身為菴中供養具俄窻外竹生一筍花紫籜如夢者之衣既成竹六尺餘無節黃綠瑩淨涇州太守聞之意將奪取竹一夕自倒太守尋罪去光乃用為拄杖目曰直兄堯來都下予因見之光云夢者自稱圓通居士予遂小篆此四字于杖之首今黑漆之

丁香竹

荆南判官劉或棄官游秦隴閩粵篋中收大竹拾餘頽每有客則斫取少許煎飲其辛香如鷄舌湯人堅叩其名曰謂之丁香竹非中國所產也

平頭筍

海南島中一類筍極腴厚而甚短島人號平頭筍

天親竹

秦維言雙竹自是一種有成林者因出三拄

杖兩岐後問浙人云此是天親竹有時出一
番雙筍故例皆分岐亦非年年有之
不平生

崔鳳篔跚矢志洛南天親觀頗幽雅常陪友
生夏月招涼于古槐下戲曰予不登九品此
槐不得為手版想亦與不平也是後朋徒呼
槐為不平生

錦心氏繡腹郎

懿宗時求老槐於城北筆頭谷李殊莊亦不
下百年矣樹腰刻小字一曰錦心氏一曰綉

腹郎云殊之祖愛甚故刻記之

淺色沉

同光中秦隴野人得栢樹解截為版成器物
置密室中時馨芳之炁稍類沉水初得而焚
之亦不香蓋性不宜火此淺色沉耳

木僊

張薦明隱樂山林有古松十餘株謂人曰予
人中之仙此木中之僊也

文章樹

張曲江里第之側有古栢嘗因狂風發其一

根解為器具花紋甚奇人又以公之手筆
世目之曰文章樹

三義亭

同州郃陽縣劉靖家兄弟不異居宅旁榆樹
生桑西廊梧桐生穀枝明年墳中白楊生檜
並鬱茂相若鄉人號榆為義祖桐為小義白
楊為義孫分先後也縣令出官錢為脩三義
亭

漏春和尚

新栽柳樹必用泥固濟其木頗類比丘頂相

元伯玉宅前插柳初春吐芽伯玉曰且得漏
春和尚一一無恙蓋取杜子美漏泄春光有
柳條之句

通天筍

衡州人家竹林中生五筍徹梢無節目觀者
神之名通天筍

蚱蜢竹

五湖間有一種野竹其葉糾結如蟲狀山民
曰此蚱蜢竹也

鞞鞞樹

金鄉路上一老榆往來者就樹下易草履例
以其舊懸而去行人指為鞞鞞樹

省便珠

釋知足嘗曰吾身爐也吾心火也五戒十善
香也安用沉檀箋乳作夢中戲人強之但摘
窻前柏子焚焚和口者指為省便珠

佛影蔬

新羅論迦邏島有筍曰佛影蔬中國雖大無
此一種

邊幼節

余為筍効傳休奕作墓誌曰邊幼節字脆
晉林琅玕之裔也以湯死建隆二年三月二
十五日立石

花

小南強

南漢地狹力貧不自揣度有欺四方傲中國
之志每見北人盛誇嶺海之強世宗遣使入
嶺館接者遺茉莉文其名曰小南強及本朝
錢主面縛偽臣到闕見洛陽牡丹大駭難有
搢紳謂曰此名大北勝

睡香

廬山瑞香花始緣一比丘晝寢盤石上夢中聞花香烈酷不可名既覺尋香求之因名睡香四方奇之謂乃花中祥瑞遂以瑞易睡

獨立仙

孟昶時每臆日內官各獻羅体圈金花樹子梁守珍獻忘憂花縷金于苍上曰獨立仙

錦洞天

李後主每春盛時梁棟窻壁柱拱階砌並作隔筒密插雜花搗曰錦洞天

黃玉玦

錢俶以弟信鎮湖州後圃芙蓉枝上穿一黃玉玦枝梢交雜不知從何而穿也信截榦取玦以獻人謂真仙來遊留此以驚世耳

百藥仙人

洛陽大內臨芳殿莊宗所建牡丹千餘本其名品亦有在人口者具于後

百藥仙人

淺紅

月宮花

白

小黃嬌

深黃

雪夫人

白

粉奴香

白

蓬萊相公

紫花黃綠

卯心黃

御衣紅

紫龍盃

三雲紫

盤紫酥

淺紅

天王子

出樣黃

火焰奴

正紅

太平樓閣

千葉黃

玉鷄苗

東平城南許司馬後圃薔薇老太繁欲分於
別地栽插忽花根下掘得一石如鷄狀五色
粲然郡人遂呼薔薇為玉鷄苗

樓羅曆

劉餗在國春深令宮人閉苑凌晨開後苑各
任採擇少頃勅還宮鎖花門膳訖普集角勝

負于殿中宦士抱關宮人出入皆搜懷袖
樓羅曆以驗姓名法制甚嚴時號花禁負者
獻要金要銀買燕

鼎文帳

許智老君長沙有木芙蓉二株庇可畝餘一
日盛開賓客盈溢坐中王子懷言花不踰萬
若過之受罰指所携妓賈三英胡錦鼎文帳
以肅直智老命僕廁群採凡一萬三千餘朵
子懷褫被納主人醜而黜遁

十二香

吳門子未錫專好梅花吟十二香詩今錄其
名意

萬選拔技剪折
遴揀繁種

水玉香清水玉
簪差如雪

二色香帷幔深置
脂粉同妍

自得香簾幕窺蔽
獨享馥然

撲凸香巧插鷓鬚
妙麗無比

筭香採折湊然
計多委賞

富貴香簪組共賞
金玉輝映

混沌香夜室映燈
暗中拂鼻

盜跖香就樹臨瓶
至誠竊取

君子香不假風力
芳譽遠聞

一寸香醉藏懷袖
馨聞斷續

使者香專使貢持
臨門遠送

紫風流

廬山僧舍有扇囊花一襲色正紫類丁香號

紫風流江南后主詔取數十根植于移風殿

賜名蓬萊紫

婪尾春

胡嶠詩餅裏數枝婪尾春時人罔喻其意蔡

維翰曰唐末文人有謂芍藥為婪尾春者婪

尾酒乃窳後之盃芍藥殿春亦得是名

金剛不壞王

懿宗賞花短歌云長生白久視黃共拜金剛

不壞王謂菊花也

雨天三昧

閨和春餘宴後苑飛紅滿空和曰彌陀經云
雨天曼陀羅華此景近似今日觀化工之雨
天三昧宜召六宮設三昧燕

花經九品九命

張翊者世本長安因亂南來先主權置上列
時邦西平昌令卒翊好學多思致嘗戲造花
經以九品九命升降次第之時服其允當

一品九命

蘭

牡丹

蠟梅

酴醾

紫風流 睡香異名

二品八命

瓊花

蕙

巖桂

茉莉

含咲

三品七命

芍藥

蓮

簷荷

丁香

碧桃

垂絲海棠

千葉

四品六命

菊

杏

辛夷

豆寇

後庭

忘憂

櫻桃

林禽

梅

五品五命

楊花

月紅

梨花

千葉李

桃花

石榴

六品四命

聚八仙

金沙

寶相

紫薇

凌霄

海棠

七品三命

散水

真珠

粉團

郁李

薔薇

米囊

木瓜

山茶

迎春

玫瑰

金燈

木筆

金鳳

夜合

躑躅

金錢

錦帶

石蟬

八品二命

杜鵑

大清

滴露

刺桐

木蘭

鷄冠

錦被堆

九品一命

芙蓉

牽牛

木槿

葵

胡葵

鼓子

石竹

金蓮

花九錫

警忘錄載羅虬撰花九錫然亦須蘭蕙梅蓮

輩乃可披襟岩夫容躑躅望仙山木野草直
惟阿耳尚錫之云乎

重頂帷障風 金錯刀剪折 甘泉浸

玉缸貯 雕文臺座安置 回圖

翻曲 美醕賞 新詩詠

五宜

對花焚香有風味相和其妙不可言者木犀
宜龍腦醑醑宜沉水蘭宜四絕含咲宜麝簪
荀宜檀韓熙載有五宜說

瀛州玉雨

司空尚菩薩蠻謂梨花為瀛州玉雨

嚴山圭木

韓恭叟離合峴桂二字為嚴山圭木

慈恩傳粉綠衣郎

陶子召客於西宅為醑醑開尊無以侑勸請
坐人各撰小名得有思致者七是日十一客
費翹生八斗夜三鼓而罷家慈有醑醑酒肉
如吾十二人之樂沒世不可得賽白蔓君四
字天花花聖人慈恩傳粉綠衣郎獨步春沉
香密友

百宜枝杖

酴醾木香事事稱宜故賣插枝者云百宜枝杖此洛社故事也

花腊

腊粉流愛重酴醾盛開時置書册中冬間取以插髮盖花腊耳

香瓊綬帶

薛能詩云香瓊綬帶雪纓絡

荅太醫

蘇詩善治花瘡者腹之病者安之時人競稱

為花太醫

擡舉牡丹法

常以九月取角屑硫黃碾如麪拌細土挑動花根壅罨入土一寸出土三寸地脉既煖立春漸有花蕾生如粟粒即掐去惟留中心一蓋氣聚故花肥至開時大如盤面

蘭花第一香

蘭無偶稱為第一

洛白揚紅汴黃汴紫

瑞香有洛白揚紅汴黃汴紫花之變極矣

菓

瑞聖奴

天寶年內中柑樹結實帝曰與貴妃賞御呼
為瑞聖奴

餘甘尉

鄴中環椔特異後唐莊宗曰昔人以橘為千
頭木奴此不為餘甘尉乎

梅檀來禽

馮衣樂別墅有數種梅檀紫粉分心軟帶之

類

